

Aktuellis ausn Voreinslabn:

Ein herzliches Glückauf mitenanner!

Wenn aa unner nächste Wahl im Vorein erscht im Januar 2026 is, denkt alle dra, des mir älter warn un irgndwann unner Vürstand nimmer arbeitsfähig sei werd. Wer könnt for solche Ehrnämter gewonne warn? Denkt mol alle driever nooch, vielleicht gibt's aa außer unnern gingern Mitgliedern e paar Eimstocker, die mor dodorfier begeistern kennt und die dann mit Herz un Seel forn Eimstocker Haamitvorein dorbei sei. Mir ham des itze ieber 30 Gahr immer wieder gern for alle unnnere Mitstreiter getaa, aber nu is e klaaner Wandl aagesaat. Uns giehts drim, unner alln Imständn unnern Erzgebirgsvorein am Labn ze dorhalten. De Zeit eilt, un wie schnell kaa dor aane oder annere nimmer in dor Log sei, allis ze bewältign: in Vorein normgeracht ze fiehrn, de Hutznobnde ze gestaltn, is Blattl ze schreibn, de Kass ordndlich zefiehrn, un un. Allis is machbar, mor muss siech nār in Ruck gabn un wolln... Dor Schmidt

An 27.2. hat ne Berating mit unnern Büchermaaster un dor neie „Kordinatorin“ fors Voreinshaus (e schiener Name wa?) stattgefundn un dor Matthias un iech warn dorbei. Is gieht drim, e neies Konzept ze dorstelln, wu alle, die do drinne bis itze sei, aa wetter gut unnerkomme un siech wie z.B. de Klaaderkammer dorweiteren kenne. De obern Reimlichkaatn wern do bestimmt imgemodlt un dor unnnere Bereich mit ner moderne Kich un in imgebautn gressern Raum for sämtliche Voreinsobnde, private Feiern u.ä. zur Vormieting bereitgestellt. Aber kaa Angst, des dauerd noch racht lang, itze wern erscht emol Pläne geschmied, de Imsetzung die werd siech ieber e paar Gahr hiezieh. Is Gald is wie immer net esu reichlich do, desserhalb giehts mit klaane Schritt ganz langsam lus: Haazing, ne Tür hintn naus zur Barjerefreihaat un Notausgang lt. Bauvorschriftn usw. Is hat siech gut aagehārt, wartn mirs ab, is ward bestimmt vun Platz har besser wie itze. Dor Schmidt



FAHRDIENST

Wer am 07.03.2024 abgeholt und auch **wieder nach Hause** gefahren werden will, der möchte bitte bis 17:00 Uhr anrufen:

Thomas Maixner

Tel.: 3391



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blattl



Nummer
228

Mitteilungsblatt des
Erzgebirgischen Heimatvereines
Eibenstock e.V.

März
2024



**War des schu allis vu den Winter?
Iech wollt su gern noch emol nauf de Adleralm!**

Gedicht des Monats

Älter warn

Älter warn, des is net leicht,
mannichs Iebl diech beschleicht.
Doch zen Glick gibt's e paar Sachn,
die dir des Labn weng leichter machn.

Hast de ewos an de Ohrn,
less des net su lange schmorn :
Dormit des Härn dir besser gieht,
pump iech dir mei Härgerät.

Sei deine Aagn dir schlacht gewordn,
denk net dra, diech ze dormordn!
Is guts Saah dei ganzer Will,
leih iech dir aa noch mei Brill.

Wenn deine Baa net meh su wolln,
sei lädiert un aageschwolln,
ziern se aa schu reichlich Narbn,
söllst du meine Krickn habn.

Wumit du`s aber ieberspannst,
ist`s, wenn de net meh kaue kannst.
Do sog iech dir: „Du alter Wicht,
meine Beißer krichst du nicht!“

Original von Norbert van Tiggelen
ins arzgebirgsche neigemaart vun Schmidt



Wir gratulieren unseren Heimatfreunden

Hans-Alfred Taube am 17.3. zum 72. Geburtstag
Werner Pechstein am 30.3. zum 86. Geburtstag



*Egal wie gut oder schlecht dein Leben verläuft,
wache jeden Morgen auf und
sei dankbar,
dass du noch eins hast.*

- Paul Walker -

...un im März, was gibt's dä do?

Ieberraschungsgäst!

*An Donnerstich,
ne 07. März
ab 18.00 Uhr
in Voreinshaus*



*... un bein nächstn Mol
werd wieder gespielt:
Mensch, ärcher diech fei net!
an Donnerstich, ne 4.4.,
18.00 Uhr in Voreinshaus*



durchenanner ge-
bracht un is dor-
gob siech esu, des
is Schneeflittchn
durch des Küssl
wieder dorwacht is
un dor 7. Zwarg
zerickvorzaubert
warn konnt un mit

enn Mol wieder dor Prinz vun
Mammuthaus in Eimstock war.
Do hat unner Schneewittl halt erscht
gemarkt, des dor 7 Zwarg ihr eichner
Maa war! Nu su ne Freid, un wenn se
net gestorbn sei, do wuhne se
hoffntlich noch racht lang mitenanner
drinne!



Un dann gabs ja aa noch viel meh zu
dorlabn: Zen erschtn gobs ne Büttred ieber
unnere lieb'n Gattinnen, wenn se kurz vor de
Feiertog vor lauter Raanlichkaatsfimml de
ganze Wuhning durchenanner bringe un
des die Sach do net esu aafach auszehaltn
is for uns Manner. Un dann dor lustiche
Beitrooch vu unner'n Vitze-Schef, do hatt
siech e Maa halt ieb'eraus gruß getaa, des
ar allis bringt und allis salber machn kennt,



aber jeds Mol ging ewos gammerlich dornaabn. Unner annern hat ar sei Stub
tapeziert un dodorbei sei Fraa mit samt dor Tapet an de Wand geklabt. Nu ja –
passiert is abn passiert! Un bei jeder Aktschjon muß ar feststelln: "Des hätt iech
lieber net machen sölln!"

Unner Fernsehstar vun Heilichobnd, dor klaane Ullmann, hat siechs ja aa net
namme lessn un hat e paar vu seine schennstn Liedle samt in gutn altn Tango
zen Bestn gabn, wie immer: wunnerschie gespielt of sein Bandonjon mit dane
vieln Knepple! Schließlich gobs aa noch Musik, wubei mor siech net esu richtig
aaning kunnt, öb ganz uralte oder nár gingere Oldies gespielt warn solltn. Aber
is is getanzt wurn, also warn aa bestimmt e paar gute Liedle dorbei.
Ach ja, Preise gobs ja aa noch for de bestn Kostiemle, des war gar net esu
aafach, do de richtche Auswahl ze traffn, weils ganz viel gute gob!
Dor besonnere Abschluss war aber is „Glück Auf-Lied“, gespielt vun Yves un
alle sei aufgemandn un ham kräftich mitgesunge. In besonnern schenn Dank
aa ans gesamte Q-Stall-Tiem, mir komme wieder! Eier Schmidti

Wu fahrn mir dä dies Gahr hie?

Unnere Antina hat wieder imhaargestöbert un mit de Lang-Reisen hie- un har
geackert, im ne schiene Ausfahrt for dies Gahr ze dorhaschn.

Un su söll nu unner moderner Reisebus sei Ziel aasteiern:

Lößnitzgrundbahn & Schloß Wackerbarth

Termin: **05.10.2024**

Reiseablauf:

- 08.00 Uhr Abfahrt in Eibenstock
Fahrt nach Radebeul
- 10.26 Uhr Fahrt mit der Lößnitzgrundbahn nach Moritzburg
- 10.55 Uhr Ankunft Moritzburg
- 11.15 Uhr Mittagessen im Schloßrestaurant Moritzburg
- 12.45 Uhr Weiterfahrt nach Radebeul/
Staatl. Weingut Wackerbarth
- 13.30 Uhr Führung & 3er Weinprobe im Staatl. Weingut
- 15.00 Uhr Weiterfahrt nach Altkötzschenbroda
- 15.15 Uhr Ankunft Altkötzschenbroda
Freizeit in diesem sehenswerten Ortsteil
- 17.00 Uhr Rückfahrt
- ca.19.30 Uhr Ankunft Eibenstock (also wieder dorham)

ca.19.45 Uhr
For die, die immer noch net
genuch ham,
vielleicht wie schu su oft,
noch ne Stund zwee zen Rüff?



Schneeflittchn im Arzgebirgsvorein - wu gibt's dä suwos?



Schu bei unnerer Weihnachtsfeier hab iech mir schu mol esu Gedank gemacht: Irgndwann im Febrar is Fosnd. Vos wern mor nu do wieder machn? Vielleicht wieder e Märchn vu die Grimmischn Brüder, Rutkäppl, Dornresl un de Geißleins ham mir ja schu durch. Aber do is mor eigefalln, des in meine Akt n noch is Schneewittl

stackt. Un zwar mit normaln Text, aber mittndrinne schu mit e paar arzgebirg-sche Varschle. Also imschreibn un allis in unnerer Haamitsproch imdichtn. Die (wie immer) bieße Stiefmutterkeenichin mit ihrn gescheitn Spiechl war for mieh dor springnde Punkt: Is muss eweng moderner sei!



Also guckt die huchmietiche Zipp net nein Spiechl, sondern in sunern superschlaun Googl-Händie nei. Ach su, do sei ja aa wieder 7 Zwargle ze besetz'n! Nu des war aafach ze klärn: wie bei de 7 Geißln brauchn mor do när zwee - in „Zwarg 1-6“ un dann noch in „Zwarg 7“. Die Geschicht muss aber ganz annersch ausgieh wie bei de Grimms. Do muss iech schu bei dor Schauspielerbeset-



zing auffassn, des is do kaa Durchenanner un Ufriedn gibt. Un des Schneewittl war ja dozemol grad im de 17 Gahr un hat kaa Ahning gehabt vu den zwischmenschlign Zeich. Heitzetooch is des doch allis viel lockerer! Un do musst se ihrn Scharm gelei bein Gaacher aabiedern un ausprobiern. Do issis ja noch emol gut gange.



Un sollt mor se su aafach un ugeschorn in irgnd ne Wald neigoochn? Do muss die schu in unnern Eimstocker Revier rimhaarstolpern, an bestn gelei in Richtung Schwarze Bing un Bargbauleerpfod. Un do stand oder stieht ja aa noch des Haisl, wu de ABMer vu 1995 gehausst ham, die den Lehrpfod is erschte Mol hargericht ham. Des war vielleicht emol des Zwargnhaisl. Jednfalls is unner Schneewittl kreiz un quar durch ne Gerschnbarg



gestolpert un ball noch nei de Bing gestirzt, eh se an des Haisl kam. Nicht wie nei - un - do hat se des ganze klaane Zeich gesaah, klaane Taller, Gabln, Masser un Löffln. Vor Hunger hat se vu jedn Taller halt ewos gassn, viel war ja net grad do. Un dann hinner dor Tür: die klenn Bettle! Su mied wie se war, hat se

blus grad esu ins Bettl 7 neigepasst. Dann kame halt de Zwargle un ham se liegn sah: „Su wos Schiens, do kennt mor siech gelei mit dornabn legn!“ saatsn de Zwarg 1-6 un warn schu racht begierich, aber dor 7. saatsn gelei, des do nicht draus werd: „Ihr seid viel ze klää, ihr halt eich ganz zerick! Die gehärt när mir, do bi iech zuständich!“ Wie haaßts gelei: Lange Red un kurzer Sinn, is



Märchn ging halt wetter mit dar bießn Keenichin, die is Schneeflittschen ubedingt lus warn wollt. Zen Schluß ham die Grimmischn Brüder aber e paar Märchn

(weiter geht's auf Seite 6!)